

4

T2251/1444

THE CHINESE-JAPANESE LIBRARY
OF THE HARVARD-YENCHING INSTITUTE
AT HARVARD UNIVERSITY
MAY 13 1959

奇姓通卷五

上聲上

鞏豐

寵義

寫氏

紫景望

弭仲叔

蛾析

邸杜

喜信

奉真

爾書

子鉏商

癸仲

哈佛大學漢和
圖書館珍藏印

兩山
學
印

梓慎

綺烏

里革

耳元明

芊嬰

揣本

倚相

水甦民

錡宣

軌革

遠啓疆

蟻逢

薦賈

祀淵

是儀

俟子

士燮

姒庸道

市吏

斐謀之

俎有用

鬼臾蒞

偉璋

尾敦

展昭

汝爲

處子

所忠

拱北

楚智

圍合陽

女叔齊

筮光

巨覽

緒東山

侶鍾

序點

鄔彤

普仲賢

佺瑜

萬章

羽公

鹵公孺

栩丹

虎臣

補郎

古弼

取應宗

甫瑕

府悝

苦成

五梁

輔公祐

主胄

扈謙

午汝臣

詩經通

詩經通

七十二

豎亥

戶尊

彌衡

米芾

禮震

底蘊

洗文淵

買叔千

每當時

亥唐

黽初宮

在育

迺穆泰

采皓

宰我

改產

海鵬

壘錫

隕丘

盡言

隱翁

塞道會

宛射犬

忖已

偃州員

反淡

苑康

圈文生

晏清

罕虎

奇姓通卷五

上聲上

江陰夏樹芳茂卿輯

華亭陳繼儒仲醇校

鞏豐

宋人晉大夫鞏朔之後。字仲至。從呂祖謙游。淳熙以太學上舍對策高第。教授漢陽軍。後知臨安縣。政簡刑平。吏民向化。尋以

祠祿罷。卒年七十。豐奇才博學。人謂宜居館閣中秘。而徘徊下列。人多惜之。又輩伋爲漢侍中。秉忠貞不二之節。

寵義

蜀將。又五代時有寵令圖。

爲氏

爲氏音委。魯大夫。左傳。公祭鍾巫。齋于社。

圃。館于爲氏。壬辰。羽父使賊弒公于爲氏。立桓公而討爲氏。

紫景望

宋理宗初年。爲永州太守。明達政理。檢核吏姦。更置簿書。不踰年。財賦自裕。人戶輸苗。又本朝有紫諫紫承。

弭仲叔

漢人與伯英同時。伯英稱其有命世之才。見三輔決錄。

蛾析

左傳。秦伯改館晉侯。蛾析謂慶鄭曰。盍行乎。對曰。陷君於敗。敗而不死。又使失刑。非人臣也。臣而不臣。行將焉入。十一月。晉侯歸。丁丑。殺慶鄭而後入。注。蛾析。晉大夫。蛾

音蟻。

邸杜

漢上郡太守。又唐有邸懷道。爲左司郎。

喜信

成化間都督。征劉千斤有功。又天順中有逆閹喜寧。

奉真

宋熙寧中。以醫名聞東都。許元爲江淮發
運使。奏課於京師。時欲入對。而其子疾革。
使奉真視之。曰。脾氣已絕。不可治。死在明
日。元曰。固然。今方有事。須陞對。能延數日
否。奉真曰。此可爲也。諸臟已衰。惟肝臟獨
過。脾爲肝勝。其氣先絕。絕則死。若急瀉肝
氣。令衰。則脾少緩。可延三日。過此無術也。

乃投之藥。至晚遂漸蘇。越三日果卒。其法
傳之。元覺。元覺傳之法。琮世以爲神醫云。
璽書

陽谷人。正德中富峪衛經歷。

子鉏商

家語。子鉏商。魯叔孫之車士也。采薪於大
野。獲麟焉。折其前左足。載以歸。叔孫以爲

不祥。棄之郭外。使人告孔子曰。有麇而角者何也。孔子往觀之曰。此麟也。胡為乎來哉。反袂拭面。涕泣沾襟。謂子貢曰。麟之至。為明王也。出非其時。而見害。吾是以傷之。

癸仲

宋人知嚴州軍。姜姓。齊癸公之後。

梓慎

左傳。魯昭公二月。日南至。梓慎望氛曰。今茲。宋有亂。國幾亾。三年而後弭。蔡有大喪。叔孫昭子曰。然則戴桓也。汰侈無禮。已甚。亂所在也。又襄公二十八年春。無冰。梓慎曰。今茲。宋鄭其饑乎。歲在星紀。而淫于玄枵。陰不堪陽。蛇乘龍。龍。宋鄭之星也。宋鄭必饑。玄枵。虛中也。土虛而民耗。不饑何為。

綺鳥

見韓非子。

里革

國語魯宣公夏濫於泗淵里革斷其罟而棄之曰古者大寒降水虞於是乎講罟罟取名魚登川禽而嘗之寢廟行之國人助宣氣也鳥獸孕水蟲成獸虞于是乎禁罟

羅。藉魚鼈以為夏稿。助生阜也。鳥獸成水蟲孕。水虞於是乎禁罟。麗設。筭鄂。以賓廟庖。畜功用也。且夫山不槎孽。澤不伐天。魚禁鯢鮪。獸長麇麇。鳥翼殼卵。蟲舍蜚蠊。蕃庶物也。古之訓也。今魚方別孕。不教魚長。又行網罟。貪無執也。公聞之曰。吾過而里革匡我。不亦善乎。是良罟也。為我得法。使

有司藏之。使吾無忘諗。

耳元明

卽墨人。洪熙中撫州衛知事。今杭州有此姓。

芊嬰

漢書。芊嬰。七十子之後。齊人著書十篇。芊從艸從干。音米。與楚姓芊字不同。秦襄王

母芊太后。

揣本

泌陽人。永樂舉人。

倚相

左傳。楚靈王將求鼎於周。求田於鄭。大夫工尹路曰。君王命剝圭以爲鍼秘。敢請命。士人視之書。語左史倚相。倚相誦祈招之

詩曰。祈招之愔愔乎。式昭德音。思我王度。式如玉。式如金。刑民之力。而無醉飽之心。靈王揖而入。饋不食。寢不寐。數日則固。不能勝其情。以及於難。孔子曰。克己復禮爲仁。楚靈王若能如是。豈其辱於乾谿。子革之非。左史所以風也。誦詩以諫。順哉。

水甦民

一。洪武間爲邵武知縣。廉明慈愛。爲循良第一。

錡宣

國策。錡宣之教韓王。取秦曰。爲公叔具車百乘。言之楚。易三川。因令公仲謂秦王曰。三川之言曰。秦王必取我。韓王之心不可解矣。王何不試以襄子爲質於韓。令韓王

奇如通卷五
知王之不取三川也。因以出襄子而德太子。又漢書。錡華。雒陽人。作賦九篇。

軌革

周時人。精曆算。其術傳之費孝先。

遠啓疆

楚太宰。亢直而能盡諫。晉韓宣子如楚。叔向爲介。楚子曰。晉君讐敵也。吾將辱之。啓

疆。諫止之。其言講信修睦。悉中禮義。遠音委。

蟻逢

漢蟻逢。在印藪。

爲賈

左傳。楚子將圍宋。使子文治兵於睽。終朝而畢。不戮一人。子玉復治兵於蔿。終日而

畢鞭七人。貫二人耳。國老皆賀。子文飲之酒。為賈尚幼。後至不賀。子文問之。對曰。不知所賀。子之傳政於子玉。曰。以靖國也。靖諸內而敗諸外。所獲幾何。子玉之敗。子之舉也。舉以敗國。將何賀焉。為賈之子。為艾獵。即孫叔敖也。傳云。為敖為宰。擇楚國之令典。相楚莊王。以霸。三得相。不喜。三失相。不慍。為音委。

祀淵

洪武進士。舒城人。

是儀

字子羽。北海營陵人。本姓氏。郡相孔融嘲儀言。氏字民無上。因改為是。後依劉繇避亂江東。徙會稽。孫權徵典機密使輔太子。

太子事先咨詢然後行。時典校郎呂壹誣江夏太守刁嘉謗訕國政。權怒問同坐人皆怖畏。壹竝言聞之。儀獨言無聞。對曰。今刀鋸已在。臣頸。臣何敢為嘉隱。自取夷滅。為不忠之鬼。嘉得免。儀不治產業。不事權幸。居恒蔬食飯親。及寢疾。遺令素棺。斂以時服。唐天寶初。有是光義為秘書少監。著

語類十卷。

侯子

六國時人善著書。

士燮

春秋有士燮。漢亦有士燮。字威彥。廣信人。燮治左氏春秋。建安中舉茂才。遷交趾太守。以循良著稱。中國士人往依者以百數。

奇如通 卷五
在郡凡四十餘年。卒年九十。

妣庸道

陝州人。洪武初知米脂縣。爲政簡明。民咸戴之。

市吏

伍子胥亡楚。奔至吳。乃被髮佯狂。跣足塗面。行乞於市。市人罔有識者。翼日吳中有

市吏善相者見之。曰。吾之相人久矣。未嘗見斯人也。得非異國之亡臣乎。乃白吳王僚。具陳其狀。王宜召之。王僚曰。與之相人。公子光聞之。私喜曰。吾聞楚殺忠臣伍奢。其子子胥勇而且智。彼必復父之仇。來入於吳。陰欲養之。市吏於是與子胥俱入見王。王僚怪其狀。偉身長一丈。腰大十圍。眉

間一尺。王僚與語三日。辭無復者。王曰。此特出之賢人也。又漢有市佩。為淮南王中郎。

斐謀之

少有風格。邢邵每云我斐四標邁

俎有用

慶都人宣德中五臺知縣。又正德中有俎

琚。字佩章。為員外郎。

鬼臾蒞

黃帝外紀。帝問鬼臾蒞曰。上下周紀。其可數乎。對曰。天以六節。地以五制。用天氣者。六期為備。終地紀者。五歲為周。五六合者。歲三千七百二十氣為一紀。六十歲千四百四十氣為一周。太過不及。斯已見矣。乃

因五量治五氣起消息察發斂以作調歷。歲紀甲寅日紀甲子而時節定。是歲巳酉朔旦日南至而獲神策得寶鼎。又宋有鬼章作亂。

偉璋

漢光祿勳。

尾敦

漢尾敦。劉虞故吏。虞為公孫瓚所害。敦於路劫虞首歸葬之。

辰昭

解州人。永樂中以御史調崑山令。

汝為

宋豐縣人。建炎中陳邊事。假開州刺史使金。兼致書劉豫。豫誘以官。固辭。以機密歸。

報朝廷。獻恢復方略。又上丞相書。三要秦檜。欲械送金人。乃變姓名入蜀。所著有忠嘉集。

處子

上聲。周時辯士也。著書九篇。又漢有處興。為北海太守。

所忠

姓譜。武帝時為諫議大夫。司馬相如病。上使所忠往收遺書。得書言封禪事。又安帝時有小吏所輔。為縣令。劉雄歿難。

拱北

本朝和順人。景泰進士。又有拱廷臣。

楚智

本朝驍將。洪武中數從宋國公涼國公出。

塞有功。已從曹國公統騎卒。遇靖難兵。輒奮力死戰。夾河之役。被執不屈。死之。

圍合陽

楚大夫。

女叔齊

左傳。魯昭公如晉。自郊勞。至於贈賄。無失禮。晉侯謂女叔齊曰。魯侯不亦善於禮乎。

對曰。魯侯焉知禮。政令在家。不能取也。有子家羈。弗能用也。奸大國之盟。陵虐小國。利人之難。不知其私。公室四分。民食於他。思莫在公。不圖其終。爲國君。難將及身。不恤其所。禮之本末。將於是乎。在而屑屑焉。習儀以亟言。善於禮。不亦遠乎。

筮光

漢人見印數。

巨覽

東漢巨覽。順帝時。與李固齊名。國朝有巨敬。平涼人。建文中。爲監察御史。改戶部尚書。靖難時。不屈。死。又巨鯨。靈臺人。任監察御史。亦死於靖難。

緒東山

馬平人。嘉靖中。高安知縣。

侶鍾

字大器。成化二年進士。巡按浙江。嘗曰。小民之不得安於鄉里者。有司之虐政致之也。彼賣菜傭。何足問哉。賊吏望風解印綬。去。民間晏然。官至戶部尚書。

序點

侍教於孔子。

鄔彤

晉有鄔彤。工草書。如寒林棲鴉。

普仲賢

洪武中湖廣僉事。溧陽人。又正德中有普暉。任長安教諭。文行優長。歷西安知府。山東憲副。

仵瑜

字仲甫。蒲圻人。嘉靖初以議大禮。忤旨。廷杖卒。

萬章

漢書游俠傳。萬章。字子夏。長安熾盛街閭。各有豪俠。章在城西柳市。號西城萬子夏。與中書令石顯相善。門車常接轂。至成帝

初石顯坐專權擅勢免官徙歸故郡顯貲
鉅萬當去留牀席器物數百萬直欲以與
章章不受賓客或問其故章歎曰吾以布
衣見哀於石公此為石氏之禍萬氏反當
以為福耶諸公以是服而稱之後王尊為
京兆尹捕擊豪俠遂殺章

羽公

漢俠士

鹵公孺

游俠傳關中長安樊仲子槐里趙王孫長
陵高公子太原鹵公孺雖為俠而逡巡有
退讓君子之風

栩丹

見董賢傳陳留先賢有栩氏

虎臣

周時虎會。諷簡子罷推車。因置酒與羣臣飲。以虎會為上客。又國朝有虎臣。陝西麟游人。慷慨有氣節。成化末入太學。適憲宗於萬歲山搭燈棚登眺。臣具疏極諫。時祭酒懼禍延師長。以鄧瑄繫臣堂樹上。俄官校宣臣至左順門。溫旨勞之。即拆棚。

祭酒大慚。又上疏列王振之惡。自是名聞天下。拆棕棚時。旨許選時授七品正官。後選楚雄府鄂嘉知縣。卒於官。人共惜之。

補郎

漢有補郎。見印藪。唐有中常侍補真珠。

古弼

南北朝古弼。代人。少忠謹。善騎射。仕魏。以

奇如通 卷五
功封靈壽侯。歷官吏部尚書。弼雖事務殷
湊而讀書不輟。口不言禁中事。一日入奏
減苑囿。太武方與劉樹棋。弼侍坐良久不
獲申。乃起於帝前。捽樹掣下牀。以手搏之。
曰。朝廷不理實爾之辜。帝愕然放棋。曰。不
聽奏事。朕之過也。樹何辜。弼具狀以聞。帝
奇而可其奏。

取應宗

宋取應宗。取希作。俱淳熙進士。富順人。

甫瑕

史記鄭厲公突在櫟。使人誘劫鄭大夫甫
瑕。要以求入。瑕曰。舍我。我爲君殺鄭子而
入君。厲公與盟。乃舍之。六月甲子。瑕殺鄭
子及其二子。而迎厲公。厲公復入。卽位。初

內蛇與外蛇相鬪於鄭南門中。內蛇處居六年。厲公果復入。入而讓其伯父。原曰：我亦甚矣。原曰：事君無二心。人臣之職也。原知臯矣。乃自殺。厲公于是謂甫瑕曰：子之事君有二心矣。遂誅之。

府悝

姓苑。府悝。漢人。爲司徒掾。

苦成

吳越春秋。越王勾踐與大夫種范蠡入臣於吳。羣臣送之江上。大夫苦成曰：發君之令。明君之德。窮與俱厄。進與俱霸。統煩理亂。使民知分。臣之事也。又苦灼。漢會稽太守。

五梁

字德山。以儒學節操稱。仕蜀漢爲五官中郎將。國朝有五淮。弘治中宜城知縣。

輔公祐

仕唐爲錄事。李太白贈以詩云。鸚鵡洲橫漢陽渡。水引寒煙沒江樹。漢口雙魚白錦鱗。令傳尺素報情人。

主胄

見隋書。洪武中有主問禮。任主事。

扈謙

晉廢帝疑桓溫有異志。命謙卜之。卦成答曰。晉室有磐石之固。陛下有出宮之象。後溫有枋頭之敗。遂誣帝宮闈重秘。廢立果如謙言。國朝有扈俊臣扈暹。俱爲能吏。

奇姓通 卷五
午汝臣

漢人見容齋隨筆。又宋有午相。相州人。淳熙進士。兄弟以儒業名家。

豎亥

路史。黃帝命豎亥通道路。正里候。得小大之國萬區。而神靈之封隱焉。又豎柎爲鄭大夫。歲大旱。有事於桑林。禱雨。斬其木。不雨。子產曰。有事於山。藝山林也。而斬其木。其臯大矣。奪之官爵。

戶尊

漢有男子戶尊。國朝有順天舉人戶校。

彌衡

典畧。彌衡。字正平。平原人。建安初。自荊州北遊許都。恃才傲逸。時年二十四。許都新

建尚饒人士。衡懷一刺。字漫滅而無所適。或問之。何不從陳長文。司馬伯達。答曰。欲使我從屠沽兒輩耶。又問。當今許中誰最可者。曰。大兒孔文舉。小兒楊德祖。我其季孟間哉。曹操欲與相見。而衡疾惡之。意常憤懣。自稱狂病。不肯往。而數有言論。操聞其名。欲辱之。乃錄爲鼓吏。衡着岑牟單絞。而前擊爲漁陽參。搥淵淵有金石聲。四座爲之改容。孔融嘗曰。禰衡。臯同胥靡。不能發明王之夢。魏武聞而大慙。遂赦之。

米芾

宣和文臣傳。元章初見徽宗。命書周官篇於御屏。書畢。擲筆於地。大言曰。一洗二王。惡。扎。照。耀。皇。宋。萬。古。徽宗潛立於屏風後。

奇如通 卷五 三五
聞之。不覺步出。縱觀歎賞。徽宗一日于瑤
林殿。張絹圖方廣二丈許。設瑪瑙硯。李廷
珪墨。牙管筆。召米書之。上出簾觀看。元章
乃反繫袍袖。跳躍便捷。落筆如雲龍飛動。
聞上在簾下。回顧抗聲曰。奇絕。陛下上大
喜。盡以硯匣鎮紙之屬賜之。官至禮部員
外郎。按米非奇姓。楊升庵載入希姓錄。豈

以米姓自胡來。抑蜀中無此姓耶。

禮震

漢禮震。平原人。光武時師事歐陽歙。歙爲
汝南太守。坐臯下獄。震年十七。聞獄當斷。
馳入京師。行至河內。獲枷自繫。上書求代。
歙歎歎。

底蘊

字汝章。考城人。正德進士。剛正有守。蒞政。明決。歷官兵部右侍郎。

洗文淵

廣東順德人。正德中四年知南安縣。性方介。不能徇世。以奸頑犯者無曲貸。民咸德之。徭役賦稅無後期者。居官清苦。食無重味。衣無重襲。沖約如寒士。

買叔千

五代時將軍。又元有買住韶州路同知。以廉介聞。至正間。郴寇陷樂昌。買住率義兵敗賊。遂復樂昌乳源諸縣。又督兵出勦餘黨。時方寢疾。竟歿軍中。郡人義而祀之。

每當時

漢人見印藪。

亥唐

隱居高士。晉平公重禮之。

黽初宮

漢人見印藪。

在育

晉汝南太守。在上聲。

迺穆泰

元迺穆泰。字景春。三山人。至正末。以延平路總管監南安縣。時當寇亂。調度轉輸。以給軍餉。勞來安定。以復流亾。復以政暇。修舉學校。時稱良吏。

采皓

漢度遼將軍。

宰我

奇如通卷五
鹽鐵論宰予爲臨淄大夫。有寵於齊。田常作亂。道不行。身死庭中。簡公殺於檀臺。夷其三族。韓非子曰。田明幸射。宓子賤宰予。不免於田常。此皆世之忠良。不幸而遇悖闇之主以死。又虞愿定命論云。畢萬保軀。宓賤殘領。又宰直仕漢爲司空。

改產

秦大夫。

海鵬

唐人撰草經一卷。國朝有海瑞。瓊山人。以直諫歷官都御史。爲一代名臣。

壘錫

晉梓潼太守。

隕丘

燧人氏四佐。一曰隕丘。受延禧。出陳氏世編。

盡言

宋盡言。眉山人。秦檜死。推湯鵬舉為侍御史。盡言作啓賀曰。以三尺之童。冠兩浙之士。老牛抵犢。溺愛誰先。野鳥為鸞。欺君孰甚。盡言子忍反。

隱翁

漢河間太守。又宋有隱袞。河間中尉。

塞道會

唐侍臣。從僖宗西幸。僖宗謂曰。塞不利。東北。因更氏曰塞。又國朝有塞衡。眉州人。以孝義旌表其廬。

宛射犬

左傳。楚子伐鄭。以救齊。門于東門。次於棘澤。諸侯還救鄭。晉侯使張骼輔躒致楚師。求御于鄭。二人卜宛射犬吉。子大叔戒之曰。大國之人不可與也。對曰。無有衆寡。其上。一也。大叔曰。不然。部婁無松柏。二子在幄。坐射犬於外。既食而後食之。使御廣車而行。已皆乘乘車。將及楚師而後從之。乘

皆踞轉而鼓琴。近不告而馳之。皆取冑于橐。而冑入壘。皆下搏人以投。收琴挾囚。弗待而出。皆超乘抽弓而射。既免復踞轉而鼓琴。曰。公孫同乘兄弟也。胡再不謀。對曰。曩者志入而已。今則怯也。皆笑曰。公孫之急也。射犬。鄭公孫。又漢有宛暹。下邳相。

射已

秦人管仲誅之。

偃州員

吳人見左傳。又偃師。周穆王巡狩。謁王曰。臣有所造。願王觀之。王曰。若偕者何人對。曰。臣所造倡者。以為實人。與妃御觀之。倡者瞬目。招王侍妾。王欲誅之。偃立剖倡以示。皆傳會舞木。膠漆丹青為之。

反淡

漢人見印藪。

苑康

漢苑康字仲真。泰山人。守郡多豪猾。康嚴申禁令。人莫敢犯。以事忤常侍侯覽。誣以臯。坐徙日南。泰山人詣闕訴其冤。得還本郡。又苑咸。唐開元進士。成都人。善書。工詩。

與王維訓和。

圈文生

圈求晚切。圈稱秦時人。陳留風俗志。乃圈稱所撰。又陳留志有圈秉。字宣明。蔡伯喈集有圈典。魏有圈文生。

晏清

晉晏清。中郎將。晏靜。寧州刺史。晏音緩。今

江陵多此姓。

罕虎

字子皮。子皮子要齊。要齊子達。達子魑。魑子朔。世為鄭卿。子皮授子產政。子產辭。子皮曰。虎帥以聽。誰敢犯子。子善相之。